

وجاء صوتها:

- عايزة، أطلب منك حاجة. توعدننى؟

- أيوه ..

- مش تعرف ايه هى الأول .

- لا .

النهاردة مش عايزاك تسيبني. من دلوقتى لغاية

آخر دقيقة.

انحبس شئ فى حلقى.

- ايه أهم حاجة فى الدنيا؟

- أهم حاجة فى الدنيا!

كانت مجموعة بعيدة من الأشرعة البيضاء تتشابك

أمام خلفية من اللون الشاحب، تتلاقى وتهتز أمام عينيّ

لتوقعنى فى خدر لذيذ يسرى من أول أقدامى الباردة، إلى

شعر رأسى الذى تتخلله نسيمات الغروب.

- أهم حاجة أنك ما تدلقيش القهوة.
